

蕪州志卷之七

知蕪州事虞山錢 鋈纂輯

職官志

名宦

蕪在昔稱重地宦斯士者自鎮撫觀察至于牧守令
長徃徃多名公鄉前志所採錄詳矣

國朝釐定官制以來慎重職守人思自立其比迹前烈
者胥以次增入使來者有稽焉

隋此下至元官制不一概難分類
編次明及國朝始以類從

蕪州志

卷之七

名宦

一

王世積闡熙新國人高祖受禪封郡公授蕪州總管
平陳之役以舟師自蕪水趨九江有功進位柱國

唐

員半千字榮期全節人中宗時武三思用事忌其賢
出為州刺史不顓任吏常以文雅粉澤禮化大行
韓思彥州錄事參軍嘗過汴有孝子張僧徹廬墓詔
表其閭請彥為墓志餽縑二百疋不受固請乃受
一縑謂其家曰此孝子縑也毋輕用其清介類是
呂元膺字景夫東平八德宗時刺史歲終閱囚有自

告者曰其父母在歲旦不得相見因泣下膺惻然
脫衆囚械盡歸之與爲期吏白不可膺曰吾以信
待人人豈我違及期無後至者自是羣盜感義相
率引去後除鄂岳觀察使

張舟仕蘄春主簿勾會敏給厥聲顯揚

韓臯順宗時任尚書左丞王叔文嫉之出爲鄂岳沔
蘄團練觀察使

伊慎字寡悔兗州人李希烈反曹王臯拔爲大將會
賊泝江狗地臯授慎兵勞而遣與賊戰大破之收

蘄州志

卷之七

名宦

二

黃梅拔蔡山遂下蘄州卽拜刺史天子在梁州包
佶轉糧次蘄口賊兵萬人遏江道不得西慎擊斬
賊將許少華漕無畱難

宋

呂誨字獻可開封府鄆城縣人治平中爲御史時議
尊濮王典禮誨力陳不可彈歐陽修首建邪議併
劾韓琦曾亮公附會出知州事尋徙晉州加集賢
殿修撰知河中府

楊偉字子奇幼學於兄億天禧元年獻頌召試學士

院賜進士及第試秘書省校書郎補蘄州錄事參軍

范純仁字堯夫蘄州人仲淹子也從胡瑗孫復遊父歿始出仕治平中爲侍御史多所彈劾時方議濮王典禮與御史呂誨等更論奏不聽家居待罪旣而尊號甫定復應詔就職通判安州改知蘄州事李潛贛州興國縣人治平中進□洪州叅軍歷知蘄州志識警拔事主以忠

蘄州志

卷之七

名宦

三

王禹偁字元之鉅野人咸淳間知黃州移知州事謝表有云宣室鬼神之間敢望生還茂陵封禪之書已期身後帝曰禹偁其亡乎未踰月卒於州劉沆字衝之永新人天聖中知州有巨姓尹氏僞券侵田沆鞫奪之人稱其明

孫昌齡熙寧二年任殿中侍御史論新法忤王安石

貶蘄州通判

昌齡職官志作通齡

劉摯字華老東光人嘉祐中甲科歷南宮令疏奏安石欲竄嶺外神宗不聽謫監衡州鹽倉元豐初改集賢校理紹聖初奪職知黃州再貶蘄州居住

□策字經臣杭州錢塘人舉進士爲州通判時蔣之奇以江淮發運上計神宗訪東南人才之奇以策對擢舉至龍圖閣學士

范應鈐字旂叟豐城人開元元年進士通判蘄州治有善聲

聶冠卿字長孺新安人舉進士官至大理寺丞左遷州判嗜學好古手未嘗釋卷尤工詩有蘄春集十卷

秦希甫字辨之元豐進士元符中爲陝西轉運判官

蘄州志

卷之七

名宦

四

以言罷去事白遷蘄州

林大年錢塘人和靖先生之姪孫也父宥受業和靖之門登進士大年介潔自喜爲英宗朝侍御史連被臺移出治獄不肯行中丞唐介論奏之降知州事

劉拯字彥修南陵人登進士第元豐中爲監察御史蔡京編元祐黨籍拯歷陳漢唐黨禍京怒出拯知蘄州

□商英字天覺新津人嘗降知蘄州從祀名宦

梅執禮字和勝浦江人舉進士仕爲給事中與宰相王輔善以詩規之輔怒罷顯謨閣待制出知州事李宥字仲嚴青州進士歷知蘄州歲凶委嬰兒去者相屬於道宥令吏收取計口給穀俾營婦均養之每旬閱視所活甚衆有殺人者賂吏匿奸宥得其情論如法擢湖廣提刑

明鎬字化基安邱人舉進士補州防禦推官改大理寺丞薛奎稱其沉鷲有謀能斷大事

岳飛字鵬舉湯陰人紹興間爲舒蘄制置使

蘄州志

卷之七

名宦

五

蕭服廬陵人舉進士以奉使得八對徽宗謂有諍臣風擢御史爲吏部員外郎出知州事

汪安行績溪人紹興間登第教授蘄州有政聲孝宗稱爲朴直做家老子遷朝奉大夫知灋州卒

余童崇寧間知州歲饑賑濟有法盡括境內人戶第爲三等量戶口以貸之又合五邑度地均粟置場立法伺察民以爲便

章燾字彥博宣城人孝宗時知州以經術飭治寬平不擾蘄產竹簞例充苞苴燾斥罷之

陳晦字大著知州時魏了翁作詩送之後有惠民之政果如其言詩見鶴山文集

韓世清知州州人請爲兵馬鈐轄賊劉忠犯境清設方略破之

施溫舒淳熙間知州事淳祐間刻震澤語錄於州

李宗思建安人與朱文公友善乾道間教授先是學官舍距學且十里宗思嘆曰學官宜朝夕於學與諸生相切磋何相距之遠也請於州得學東偏地爲屋以居生徒詳見朱文公教授廳記

記載藝文志

王玠字介玉長洲人倜儻負氣能文徙居鄂州黃庭堅謫官來鄂玠以文贄見甚爲庭堅稱賞紹興初孔彥舟爲舒蘄鎮撫使自荆湖徙蘄口鎮聘玠爲幕屬遂佐彥舟捍蔽衝要撫循鄉井初權邦彥知東平府彥舟隸麾下因事叛去及聞邦彥簽書樞密心不自安及福建宣撫副使韓世忠自湖外破劉忠俘馬友順流東下彥舟疑其圖已遂有異志問計於玠玠烈士也正色答之曰總管被命鎮撫二州任優祿厚豈可負朝廷自陷不義論以順逆

凡數百言彥舟怒囚之粵數日復問之玠曰君不能與韓公爭先立功以報君父顧乃甘心與逆賊爲比而慮其見圖苟欲富貴能建大勲於國家可也何獨此寇能富貴人哉君誠欲反幸先殺我孰謂王玠而從賊耶彥舟怒竟沉玠於龍眼磯與妻子俱時紹興二年六月十三日也彥舟遂引兵北降劉豫初玠赴彥舟之辟或請止之玠曰吾慮之熟矣彼方駐兵於此姑爲鄉井計倘能息其暴戾固非爲玠一身計也玠嘗有讀楚詞詩意以原自

蘄州志

卷之七

名宦

七

况及被害郡人悲其志爲立廟磯上周燔賦哀詞刻於石今同王彥明祀於烈士廟

按王玠非蘄職官以嘗佐彥舟

辦公且哀其死事之烈也故舊志列宦蹟今從之

李誠之字茂欽東陽人嘉定間知州金人犯境誠之力戰城陷率兵巷戰子士允士宏戰死誠之引劍將自刎呼其孥曰城已破爾等宜速死妻許及子婦趙王孫女和娘瑞娘皆赴水死廟祀於蘄賜額

褒忠

詳宋史本傳載藝文志

秦鉅字子野嘉定間通判金人犯境與知州李誠之

協力捍禦城破歸署令火諸倉庫乃赴一室自焚
有老卒冒火挽出之鉅叱曰我爲國死爾輩可自
求生掣衣就焚死子浚澤從死同時死者贈官有
差傳並見後詳宋史本傳
載藝文志

阮希甫州學教授金人犯境同李誠之秦鉅死贈通
直郎

趙汝標爲蘄州防禦判官金人犯境從李誠之秦鉅
死贈承務郎

甯時鳳字翔夫浮梁人舉進士補州判官金人犯境

蘄州志

卷之七

名宦

八

郡守李誠之檄時鳳共守卒死於難贈承務郎

嚴剛中蘄州都太監轄蘄州鎮倉庫金人犯境從李
誠之死贈承事郎

杜諤錄事叅軍兼司戶金人犯境從李誠之死贈承
務郎

林榮蘄春知縣城陷同李誠之死

孫中蘄統制官與金兵巷戰鬪死

江士旺 陳興 曹全三人皆小將同秦鉅與金兵

鬪死

李斌 邱卞軍士同秦鉅與金兵鬪死

趙與裕司理叅軍金兵逼境與裕先率民兵百餘人奪關出外求援僅以自免而全家十六人皆沒

葉適字正則括蒼人淳熙廷對第二人除太學博士

朱晦菴爲林粟所論適上疏言非是出知蘄州一以靜治世稱水心先生

孟珙字璞玉宗政之子也嘉定十年金兵犯襄陽與父累立奇功端平二年以王管侍衛馬軍司公事兼知黃州節制蘄黃四郡蘄守張可大委郡去珙

蘄州志

卷之七

名宦

九

指畫戰守屹然爲一方保障特賜金碗以旌其功

王益蘄州安撫使政尚寬和景定四年元兵據白雲山設砲臨城益趨保鴻宿州後遷今治

王彥明守蘄州元兵壓境力戰糧乏不屈率家屬乘大船於城西中流慷慨鑿船沉水死州人以爲烈

士立廟於死之北岸祀之天順間知州金銑建廟作記歲久廟圯地爲居

民所侵嘉靖辛亥防道翁淵闢地建廟郡人王儼記詳舊志及廟碑

桂璧貴溪人通判州事元兵圍蘄璧申明大義率城

中人日夜捍禦踰旬乃出奇兵擊之遂解

錢易字希白吳越王孫第進士咸平間防禦判官上言今四方長吏競爲殘暴非法之刑非所以助治請除之帝嘉納焉

元

趙箕翁至正間任州總管稱曰廉能

張好古字信甫器識宏遠勇而有謀授行軍千戶戍宿州中統間移戍蘄州李壇叛據濟南宋人攻蘄好古率兵迎擊力不支死之其父晉亨聞而哭之曰吾兒得死所矣

蘄州志

卷之七

名宦

十

解觀江西吉水人中進士任州錄事執法不撓

卜顏鐵木兒字珍卿唐兀吾密氏至正十二年徐壽輝陷湖廣詔率軍討之十三年自池州戰勝進攻蘄州擒僞帥鄒普泰遂克其城進兵道士泐焚其柵抵蘭溪口賊之巢曰黃連砦又克而殲之分兵平兩巴河於是江路始通合兵攻蘄水縣拔其僞都獲將相而下四百餘人壽輝僅以身免時諸將皆分道討賊卜顏鐵木兒獨控長江十六年卒持身廉介人不敢干以私常乘花馬時稱爲花馬兒

平章云

明

夏元吉字維哲其先會稽人幼孤領鄉薦旋選入內
庭書制誥洪武三十一年以戶部左侍郎充採訪
使尋出鎮蘄州州人祠祀之

右採訪使

魏良輔字師召號此齋江西新建人由進士任湖廣
僉事巡撫翟瓚陸杰先後疏奏蘄州宜設防道以
資彈壓朝議推良輔嘉靖十七年任團練營伍整
飭官弁東南指臂晏如也時悍民趙季鼎勾引外

蘄州志

卷之七

名宦

十一

盜擾境良輔招鼎諭以利害即令誘盜渠魁至漳
山宣公命擒之蘄境以安荆府胥吏以役擾民良
輔一規以正荆王敬禮之公暇與諸生吳翼靈等
講求正學皆知名於時以功擢山東左布政致仕
歸移籍廣濟

劉光文字繼純號亦齋四川閬中人壬辰進士嘉靖
二十三年任鉏擊豪橫狐鼠屏跡甲辰乙巳仍歲
大侵民無敢嘯聚剽劫四境晏如

卜大同字吉夫號監泉浙江秀水人戊戌進士嘉靖

二十五年以僉事任政尙簡靜民賴以不擾

翁學淵字原道號丹山浙江遂昌人壬辰進士嘉靖二十九年以僉事任興舉廢墜多善政郝志之脩淵爲之序

周美字濟叔崑山人嘉靖甲辰進士累擢湖廣下江防兵脩僉事沉毅績密不妄言笑精兵法駐蘄州當洞庭彭蠡之交是爲盜藪白晝飛艇剽劫商民捷於箭檄美立團操法作戰艘令材官日巡江上獲盜獄成即日殪之盜由是相戒不敢八境御下

蘄州志

卷之七

名宦

十二

嚴峻雖親故爲屬僚不少假顏色政暇則教課諸生頗多成就介於取與去任之日官橐蕭然後數年其子不能存活至蘄僉事戢汝止嘆曰此豈清白吏之左驗乎爲婚於蘄遂家焉

侯堯封字欽之嘉定人以御史出僉楚臬治蘄州潔己愛民知沿江多盜按名訪緝又甄其父兄之良者諷諭之致感泣自縛其子弟沉之江彷彿朱于法設社倉五十餘所於掛口建飛梁築新生磯舟行無恐蘄人肖像祀於關聖祠

丁繼嗣字國雲靳縣進士建節之初留心造士後多
顯達者設義民兵選士著兵民相安防捍周密後
擢閩撫

韓紹歸安人由進士任性簡靜事近民情令行強禦
於宗藩府役必繩以法一時驕貴斂迹

黃仁榮字勉仁南昌舉人從臺中例轉風裁凜凜疾
惡甚嚴懲府役之違例取息者毫不寬假境內肅
然

韓孫愛字君溥慈谿進士累遷湖廣江防叅議執法

蘄州志

卷之七

名宦

十三

嚴明課士興學脩砌江岸及浮玉磯蘄人肖像祀
之

胡世賞字爾思合州進士任監司不事撻切雍容靜
鎮後擢浙江右叅政

吳國仕字長谷歙縣進士隆慶間任推誠愛物捐俸
數百金建文昌閣於浮玉磯置祀田貳百石兼賑
士之貧者歲爲例士民頌其德於江澣立報功祠
王世德號廻溪永康人由進士任多惠政練達機宜
尤留心課士親自披閱簡拔其尤刻有麟鳳會業

增築文昌閣磯嗣任李如檜建亭於上並祀報功祠

李若訥字季重臨邑人由進士任天性仁孝治尙廉平善屬文公暇惟讀書課子後以進表行敝袍裋褐圖書數篋而已行之日官庖無宿儲終市米數升僅供晨炊其清節如此

陳應元字幼白福建人由進士任寬仁愛士周悉民情尋以註誤去士民追念之後復陞任登萊巡撫范中彥字濂儒范縣人寬嚴兼盡扶善抑強繼遷守

蘄州志

卷之七

名宦

十四

憲去

王相悅字鞠劬泰州人由進士以御史建言例轉防道留心申辨問斷必躬親片言而折一時歛服暇則進諸生講課尋解任去民間謠云昔有羊叔子項仲宣何似我公廉我公只飲江中水不取錙銖作孽錢

施元徵字曠如無錫人由進士任才優應務督兵擒麻城虎頭關寇親履行間宗藩不法者動色相成攝學道篆考貢考復一清宿弊以遠道來者不畱

時刻貧士感之

唐登儁號灼洲富順人由進士任簡約坦易整肅戎
行不見威厲其聽斷明決多所保全人稱爲佛子
云

張秉貞字坤安桐城人由進士任噐宇宏深才猷敏
練時流寇隔里煙盤踞蘄鄉徃來擄掠公親至渴
口督勦賊遂遁去後遷廣平道去之日士民頂盆
香遮道扳卧從未有也

許文岐字我西仁和人由進士任值獻賊陷蘄被執

蘄州志

卷之七

名宦

十五

不屈拘畱營內岐密約被掠良民期四月起義殲
賊謀洩將殺之岐北向拜受刃死賜祭葬贈太僕

卿詳明史已上江防道

左安善吳元年守蘄州路未幾改路爲府擢知府事
介於守己而才猷過人故當戡定之初而民賴以
安

徐麟本府廣濟人河南知府自陳便祿養親調知蘄
州府以政績聞雖有創建而民不告勞歷官永道
房三州所至有聲已上知府

孔思森先聖五十四代孫由鄉舉知州事洪武十年
改府爲州設科條振綱紀節用愛人政治一新
楊琪由鄉舉知州事有惠政才濟其智奉民部榜移
建預備四倉調度不擾於民

李士安宣德間知州伐石爲鄉舉題名碑風前勸後
人由是益知學焉

王坦字子平鄆城縣人由鄉舉知州事政尙寬平勸
士子民久而不變

金銑字宗潤淮安山陽人由鄉舉知州事文學該博

蘄州志

卷之七

名宦

十六

政事通敏興學校均徭役舉廢墜民皆德之有首
菴集行世

莊轍字中輿上元人由進士爲秀水令擢知州事廉
介自守仁惠及人儲養諸生稱事餽給建明倫堂
樂育堂貯書樓累有興作不妨於農時劇盜通境
兵民被害者咸優恤其家其後度支官軍奉檄無
過期焉

錢承德字世恒常熟人成化乙未進士知蘄州政簡
刑清豪猾斂迹舉廢墜陳便宜獎進士類人咸勸

於爲善後擢副使

何綸廣西順德縣人由鄉舉知州事廉介剛毅尤致意於倉儲出納明慎一時攬納侵欺之弊肅然無聞士民德之

葉仕美閩縣人由鄉舉知州事耿介剛明不爲時變所昧以直見忤於宗室一日遇諸塗宗室將辱之公正色曰朝廷衣冠不可毀也宗室爲之斂衽正德八年霸州賊劉六劉七遡流來寇公單騎招民入守郡賴以全

蘄州志

卷之七

名宦

十七

侯直字公繩華亭人由進士任主事調通判擢知州廉介有爲愛民如子令行禁止不容私謁後擢副使

李純字在誠莆田進士正德中知州事潔己愛民遇事能斷豪猾無敢肆逞者旋改知欽州

周南字文化號宜齋南京羽林衛人嘉靖間知州事崇居大同二鄉遠在窮谷編民賦稅不以時至南仁明廉愛開誠而人信之無敢有後時者後陞瀋陽府長史

谷鍾秀餘姚進士嘉靖間知州易直子諒保愛百姓以循良聞

石璽嘉靖末知蘄州事荆王常冷淫暴璽密疏陳狀詔奪王爵廢爲庶人

路雲龍萬歷初由進士知州事性剛介明於聽斷築堤防脩津渡造掛口浮橋民賴以安

潘珏字玉宇婺源人由進士知州事重積貯作阜民倉踰年大旱發倉賑民多所全濟益廣廩廩積粟至八萬餘石在任十年官久不調作歲寒亭記見

志及代去民咸思之

徐希明上虞人由鄉舉知州事時值歲歉梅盜遍州境明同判官陳策協力防禦民賴以安又蘄江中石磯每爲商舶患爲築磯建亭於上名曰浮玉望者知所趨避今爲文昌閣基

鄭夢禎福建人萬歷中由鄉舉知蘄州剛正不阿時太監陳奉開採銀礦檄禎監稅禎極言不便一切反奉意奉劾禎及江防叅政沈孟化遂降調去

何之圖字見羲婺源舉人知州事素有文名吏才精

敏在任逾瓜期四境恬安以事去蘄人惜之

倫應祥東莞人由鄉舉知州事約己惠民發奸剔蠹
精於計筭東南二城樓火祥重建之費約而功倍
後陞審理

錢兆元字長人仁和人由鄉舉知蘄州事深明理學
行事多法古人聽斷無枉每焚香告天乃出聽事
暇則進諸生講習文藝無遠近爭師事之時三王
之國供用浩煩民多驚懼公每抗論卒得無擾後
陞辰州府同知小民泣送者萬計江干立詠德祠

蘄州志

卷之七

名宦

十九

以祀之

唐世照字伯閻灌湯舉人崇禎末知蘄州吏事明敏
不憚勤勞時流寇往來侵擾隔里烟賊衆竄處青
山鄉民多流離照於附城通衢掘濠築險分住流
民日夜巡緝寇不敢窺尋以勞瘁致疾卒已上知州
俞敬字一中別號沙泉永康人由進士歷刑部員外
郎左遷州同知廉介愛民興學勸士公暇吟咏自
適不廢書史累官至惠州知府

趙廷松字子後號俟齋浙江樂清縣人由進士任刑

部主事以不附權貴左遷州同知工詩文善書長於聽斷無敢彙緣爲奸者累官陝西左布政州已上同傅舟永樂間任州學正文學該博應詔與脩性理大全

董佐江西撫州府臨川縣人號勿菴由鄉舉授州學正博文強識留心性理不事口耳之談師道大振後家於蘄

林宗字存敬號敬齋莆田人天順中授蘄州學正課諸生晨夕察其勤惰諄諄誘掖咸出至誠士人建

蘄州志

卷之七

名宦

二十

祠於學宮祀之

王舜卿字師禹號慎菴福建閩縣人由鄉舉任州學正才性通敏好問勤學文習爲之一變士有婚喪不舉者輒捐俸給之長於知人而善於長育累官至廣東僉事已上學正

裴文采字尙質河南眞陽縣人由貢任州學訓導古貌古心待諸生以義處僚友以和陞獲鹿教諭去任有泣下者右訓導

張宏宜字時措華亭人東海弼之長子也由進圭監

察御史謫州判官劓繁剔劇才斷過人吏事罔不
精究轉沔陽知州擢副使

陳策江西貢士萬歷中判蘄州黃梅賊首梅鏗詹三
漢等倡亂踞蘄之柴家山楚撫約南操江合兵征
勦知州徐希明同策居中調度指授方畧策奮勇
突入賊陣賊以鈎中之不屈而死後賊平獲策屍
面色如生已上州判

國朝

范鳴珂字鴻盤威遠衛人由恩貢任下江防道

蘄州志

卷之七

名宦

二十一

國朝初定當流寇殘燬之後人民凋喪廬生蕩然鳴珂
多方撫綏稍復生理丁亥九江之變督禦躬親持
以鎮靜民不驚擾尤所難也

周漢傑字房仲安福舉人任江防道甫一年辭去清
標惠愛足嘉尚焉

吳之允字象賢永年舉人淡泊質直遇人無賢不肖
皆推誠相與以疾卒於任

王顯字純白曲周進士涖任二載振綱剔蠹雷厲風
行而宅衷甚平開崇正堂課士一時知名士皆樂

從之遊

呂陽號全五無錫人以辟薦任冰蘖自茹神明獨斷
吏胥屏息力行保甲以清盜源造巡船增瞭臺自
潯陽至漢川民皆安堵新蘄學宮課士衡文循循
若師友尋罷去蘄人至今思之

趙映乘字涵章祥符人由進士任溫醇沉靜有古重
臣風

汪繼昌休寧進士順治間任時蘄民新集丈量混淆
王庄多賠累繼昌銳意釐剔涖任未久去論者惜

蘄州志

卷之七

名宦

二十二

之

劉緝堯號無縻曲沃人由進士任潔己愛民畱心政
治涖任未久以憂去

楊志遠丹陽進士順治間任時隣盜竊發志遠多方
擒緝自奉儉約於民一無所取凡聽斷曲爲曉譬
多感泣去者

楊大鯤武進進士康熙間任博雅寬和立程校士所
拔多名雋

徐惺字子星崑山進士康熙間任多惠政歲歉施粥

賑饑全活甚衆建奎星樓與州人士唵咏其中一時談風雅者多宗仰之

以上江防道

韓友字心吾陝西人長於弧矢諳方略順治四年以叅將駐防時英霍土寇猖獗潛踞蘄之上鄉往來梅廣二邑友扼險設伏衝炎冒寒擒僞總兵曹德參蕩平四十八砦及江州僞將吳高率舟師攻蘄已臨城下友開門迎戰一鼓而賊之全軍殲滅幾盡鎮蘄六載人民安堵援勦沅州尋陞沅總兵以勞卒至今蘄人祠祀之

右叅將

蘄州志

卷之七

名宦

廿三

程士然字燕又浙江武舉蘄州營守備訓練有方尋陞夔州游擊調漳州以不附耿逆遇害 卹贈懷遠將軍其女許字蘄州舉人顧昌弟鵬偕眷屬送

□至蘄遂家焉

右營守備

張定邦遼陽生員順治二年知州時蘄當殘破之後生理未復定邦政尚簡易催科不擾民甚愛之擢德安知府

方于光號澄嵐大興人由進士知州事器識通朗時州田糧隱漏里役不均于光一清積弊均其勞逸

貧民得以息肩

金貴號小泉遼東人治務簡靜蘄處江干最苦往來
供役貴預策酬應悉以身任之於民一無所擾

王宗堯號銘一遼東人順治間任廟學州治燬於寇
宗堯鼎新之民困於徭役宗堯請給僱役官錢民
大稱便

李成材奉天貢生康熙間任居官勤慎興舉廢墜不
遺餘力境內稱治

劉國輔字長民奉天例監康熙間任歷官最久諸弊

蘄州志

卷之七

名宦

二十四

革除時稱鐵面劉

王玠字寶峯奉天廕生康熙間任斷獄明決暇則與
諸生爲詩文課援筆立就歷十載陞石阡太守官
至川藩

華文振字奎一鳳陽人雍正間任以慈祥稱調郴州
去攀轅祖餞者累日

蔣嘉年奉天例監雍正間知州廉明公正案無畱牘
有裨於蘄者皆毅然爲之積弊剔除幾盡陞楊州
太守現任甘肅臬司

劉淑字文翎山西貢生商籍楊州雍正間任性惠愛
犯法至死者輒不忍決甫一載因疾致仕瀕行猶
念窮民道欠社穀無償悉爲代完以紓民困蘄人
至今思之

蔣尚德字德輿奉天舉人乾隆八年任性醇厚喜接
善類治疑獄多所平反屬有興作皆以身先之不
病民也濬隍渠引渠水由故道入江水利以通移
建營署置書院給諸生膏火前後捐俸如干詳載
各碑記工詩古文公暇與諸生剖析源流徃復不

蘄州志

卷之七

名宦

二五

倦士由是愈知向學後以疾解任卒于州

李秘字君采號靜軒陝西靈州人乾隆丙辰進士初
任鐵嶺縣陞寧遠牧庚午知州事甫下車搜沉卷
三百餘悉歸審理案牘一空遇疑獄片言立決無
不曲當情罪人稱神君姦民馬朝柱謀叛有左驗
公偵知其實親赴楊河等處設法禽緝獲其軍器
圖札剪其黨與兵不勞而事寢蘄黃諸境帖如也
以軍功陞本府太守蘄人作頌立石焉

已上知州

劉清史監利舉人康熙間學正工制舉業課諸生有

法咸資指授

李功永字書竹黃陂舉人乾隆間以聞喜知縣改任
性恬靜齋居無應門課士之暇卽端坐窮經不輟
以老乞歸

王世法字民表號兩橋江夏舉人原籍蘄州自祖遷
江夏其父昆季以科名盛于江夏世法補州學正
桑梓之鄉尤相敬愛以文求正者觸手輒應尋丁
外艱去 已上學正

甘昌祚字景卜漢陽歲貢雍正間訓導時廟學圯昌

蘄州志

卷之七

名宦

二十六

祚監修督率不少休息日置席楹廡間諸生至相
與啜酒茗論文學正朱銓暨紳士皆樂與之遊晚
致仕歸州人至漢上者必過從問訊云 右訓導

宋文楷武安人康熙間州判治事勤敏有能聲

孫衍慶北直例監雍正間州判明敏稱職卒於任

王士讓福建五經副榜乾隆間州判學淹博曾充三

禮纂修工蘭石畫卒于任 已上州判

項厚字博安錢塘生員康熙間吏目善詩古文勤于
供職守憲孟世泰署其堂稱賢而隱于下位者也

予告歸

任蔣玲蕭山生員乾隆間吏目好論文必究根柢蘄
人士多從之

陳以績字熙載如皋生員乾隆間吏目檢緝有方壬

申平馬逆叙軍功以績與焉 已上吏目

祠祀小記

麟山院長戊辰進士翰林院庶吉士原任黃岡縣知縣

葉世度仁和

書院東偏之四賢祠其主曰宋李公誠之秦公鉅王公玠
土公彥明考州志宋嘉定間金人犯境知州李誠之巷戰
死同時戰歿職官入人小將三軍士一亦必有職者否則陣亡軍士何可勝

紀

又奪關出求援身免而全家死難之叅軍一人計同時
死事共十四人皆列名宦今此祠祇列李秦二人而遺其
十二不知取去何義又州志宋紹興間鎮撫使孔彥舟聘
王玠爲幕友孔有叛志王力爭被沉於江今木主乃卽題
爲鎮撫使尤爲舛謬載觀門外豐碑大刻記移四賢祠於

蘄州志

卷之七

二十七

書院亦不詳祠所自起及因何於同時死事中撮舉二公
以祀之故且亦謬書王以鎮撫使先後沿襲荒陋若此以
奉明禋神弗吐諸夫書院偏屋之祠不香不燈焉能爲有
無竊以州乘所載必列之祀典今學宮春秋之所崇祀得
毋亦有訛闕移書學師一爲稽核則準之州志其爲舛漏
茲甚附詳於後豈蘄經兵燹之後溷失以致此歟適山左吳公
以武昌尹來權州事崇尚風義亟請釐正補列焉夫治民
事神均也禮有五經莫重於祭書曰肇稱殷禮咸秩無文
烏可以享祀杳茫無關政要矧附俎豆於宮牆上表千秋

之義節下爲百世之儀型而遂任其焚如若書院之偏祠
重複無謂舉之廢之皆無足云門外之陋碑亦可仆也爰
記其訂正緣起如此

附訂補祀位數

州志所載名宦自應列祀於名宦祠况忠義死事尤非
尋常宦績可比且同事而祀此遺彼則更爲無理考州
志名宦同李誠之死事者及全家罹禍者曰秦鉅嚴剛
中阮希甫趙汝標甯時鳳杜諤林榮孫中江士旺陳興
曹全李斌趙與裕計共十有四人今名宦祠遺漏秦鉅

蕪州志

卷之七

二十八

嚴剛中阮希甫孫中

四人誤入忠孝祠

江士旺陳興曹全李斌

趙汝裕九人亟當補主載考州志名宦中如元之張好

古明之許文岐皆錚錚死節者亟當補主 又學宮鄉

賢祠春秋有額設祭祀忠孝祠無祭皆以奉其本籍人

也有同爲忠節之人格於從前未上聞則不得入鄉賢

而姑入主於忠孝祠存其名氏而已考州志所載忠節

如宋之李宗可明之陳相中張效方田金浦蕭霽陳正

李于節

卽李新父

顧天祚操桂操承勲皆卓然舍生取義與

所載李化龍孫仍二人節烈相同乃李孫以得上聞而